

قلب ميزان حياتى
ديوان بالعامية المصرية

صلاح على على صالح

ديوان العرب للنشر والتوزيع

فى لحظة ندم

فى لحظة ندم بتقولى ساحينى
دي حياقي عدم ياريت
تصالحينى
جيت والدموع سبقاك مالية عينيك
وعندك أمل أرجع تاني
إليك
الحب انهزم ضاع بينك وبينى
وقلبي انظلم دلوقتي شاريني
أساوتك فين جاي مرعوش الإيديين
كرامتك زين وانت مطاطي وحزين
زاد الألم بكلمة اعذريني
تبدل قدم يا خجل داريني
شوقي اتردم جات عليه السنين
حنيني انكتم يسمع صوت الأنين

قراري

قراري خدته بنفسي
 خدته والدمعة ف عيني
 أنا لازم أبعد بعيد
 وصلتني آخر يآسي
 مبقاش صبري يكفيني
 يا ريتك تبقى سعيد
 باحلك من وعودك
 من ضعفك من جحودك
 من نار ما بنا تقيد
 لازم أبعد وأسيبك
 الاسم كنت حبيبك
 وكفاية بقي تجريح
 مشاعري بقت حزينة
 ضحكي يادوب للزينة
 بقولها بلسان صريح
 لكن مع نفسي أمينة

شايلها ف قلبي دفينه
 ما عاد يخدعني مديح
 وعودك كانت وسيلة
 يادوب مجرد حيلة
 وغدرك كله ماليك
 جحودك خسة وغيلة
 وخداع عشرة طويلة
 في عز ما كنت شاريك
 وكان حنانك بالتيلة
 مانطقتش كلمة جميلة
 حي ضيعته بإيديك

آه يا سيدي

آه يا سيدي
لمسة إيدك
طبعة ف إيدي
آه يا حبيبي
نظرة عينك
شكة وريدي
دقة قلبك
دقة بدقة
مع تنهيدي
براهين حبك
حاسدني ازاي
أوي محاسيدي
دنا من شوقك
بجري بلهفة
على مواعيدي
حبك ودك

حنانك لىا
بان على عوىى
قربك هوه
زود عنىى
حلاف موىى
سحر كلامك
أدى معنى
سر وىوىى

يا عيونُ مخيلتكُ حبيبي

يا عيون مخيلتك حبيبي
 نائمة صاحبة على الحنين
 لونه كان مش نصبي
 لكن قلبي عافر سنين
 عايش عل ماضى يا حبيبي
 حبك جواه موصول للحنين
 اسمك محفور فيه حقيقي
 إلآه منه طالعة أنين
 ولهفة شوقي ولهبي
 منقوشة بألم خطه حزين
 أد إيه منك تعذيبي
 يلي ف حنانك أسى وضنين
 أنت عايش يركاك حنيني
 ونا هواك عشته ف زنازين
 أنت أديتني دوى ياطبيبي
 كاسه ف سنين شاربو أنين

لو أنت نسيت

لو أنت نسيت
أنا مانسيتش
لسة النار
الي ما بردتش
لسة جراحي
الي ما خفتش
حتى دموعي
دي مانشفتش
وكل أهاتي
وتقول معلش
ينفع أسامح
كده بالغش
أشوفك أضحك
لأ لأ ما يلقش
جرب أبلا
ليلة عذاب

عيش اللحظة
لو ضحكك غاب
حس بإحساس
ظلم الأحباب
دوق الجراح
دوق الخداع
شوف مشاعرك
لو حبك ضاع
لما تعاشر
واحد لواع
بدل الحب
يعيش ف خداع
لما تخلي
حبيين ف خصام
أه يتقابلوا
من غير كلام
يخطفوا نظرة
بدون سلام
لما بنا

ضاع العنوان
بص لنفسك
باقيت عدمان
لا فيه الشوق
ولا الحنان
بانت عل وش
كل الأحزان

أنت اتغيرت

أنت اتغيرت خالص
أنت مابقيتش خالص
باقيت كداب وبارع
باقيت خاين مخادع
ياريتك حتى حاسس
أنت اتغيرت خالص
دي غلطة مني جازير
حاولت معاك وعائز
أغير فيك ولكن
ده طبع فيك وساكن
وف جرحي عشت هايص
أنت اتغيرت خالص
دموعي لما هانت
وأسوة غدرك بانة
برضه قولت أحاول
أعدل قلبك أل مايل

وأنت في ظلمك دأيس
أنت اتغيرت خالص
صحيح زمان عجائب
ماليش ف الفرحة نايب
يلي حاضر وغايب
ياريتني حتى عاجب
خليك يا عذاب مآنس
أنت اتغيرت خالص

قالوا كلامٌ

قالوا كلام
كده طراطيش
بيحبني موت
وما قاليش
وف نار الشوق
هيमान بيعيش
متعذب أوي
ما صارحنيش
قولت ياناس
ما يخلصنيش
عيني حرام
ماداق النوم
وشوق وحنان
مرصوص بالكوم
قالوا كمان
ده يوم ورا يوم

بحره الكتمان
يبيلبط عوم
دايمًا سهران
ويا النجوم
قولوا ياناس
أعمله إيه
قلبه الحساس
إزاي أرضيه
رقّة وإحساس
عيني عليه
حبه شعور
باين ف عنيه
خلاص خلاص
حافكر فيه

الركُّ عليكُ

الركُّ عليكِ
كله بإيديك
أبعد عنك
أو أقرب ليك
أبقى أنا حاسس
بيك وشاريك
أما ألقى روعي
ف حبابي عنيك
قلبي حايكون
كده طوع فل إيد
ساعة مالاقيك
حبك ده أكيد
مشدود ليا
وبجي سعيد
أديك حياتي
وأفضل أعيش

يادوب عشانك
وغيرك ماليش
وتخلص وتكون
أد الحنين
وتعيش وتصون
عشرة السنين
تعشق بجنون
الصدر الحنون

ودودولك

ودودولك كلمتين
 دموعك دمعتين
 غيروا حالك ف دقيقتين
 بعث ف ثانيه حب سنين
 طيب قوللي حبك فين
 هي الغيرة تعمي العين
 كلمة تجيبك وتوديك
 عرفوا نقطة ضعفك فيك
 أبكي منك ولا أشكيك
 ضحكوا بكلمة زور عليك
 وعدك فين فرش حرير
 ريش نعام ورد جميل
 فين راح حبك الكبير
 ولا كله كان تمثيل
 خال عليك حبة كلام
 اتغيرت مع الأيام

كنت تسامح فل خصام
كنت تصالح بابتسام
شوقك فين فين الحنان
الي كان ف عنيك بيبان
فين عشقك كان بجنان
أصبح شكك العنوان

دلوقتي نزلت دمة

دلوقتي نزلت دمة
 هو أنت باقيت لرجعة
 للعشرة ال أنت ناسيها
 دوق في مرة طعم اللوعة
 يلا حس بناري الوالعة
 الي ياما عشت فيها
 طافيت لي في قلبي شمعة
 فاكرني يا عيني سلعة
 تبيعها وتشتريها
 دنا قلبي كان زي النسمة
 بيعب الناس أوي واللمة
 وأنت بتأسا وتلعب بيا
 ماسمعش منك يوم كلمة
 ترسملي على وشي البسمة
 ولا شفت معاك حنية
 وسهرت الليل وسط الضلمة

أقول خلاص يمكن قسمة
وتلاوع وتظلم فيا
ياريت كانت يادوب غلطة
كان قلبي ينساها حتى
وأسامح وأعديها لك
لكن الي زاد وغطه
حي الي افكرته ورطة
ماتقولي وبعدها لك

فيكي مغناطيس

فيكي مغناطيس
شادد قلبي ليكي
ويا الأحاسيس
لوني حريص
خايف من عينيك
أبقى رحت فطيس
شفتك من بعيد
قربك مني سِنَّة
حسك لون جديد
خفت أقول وأعيد
تبقى بكلمة بنا
شدة فل عريض
لكن بالتأكيد
أصبح بنا أن
عايشة فل وريد
أشواقي محاييس

بكلام متزوق
 طلعوا مل كواليس
 تدور عل ونيس
 باقيت متشوق
 بتهته فل حديث
 آه لو كان يلين
 قلبك حبة حبة
 ييجي بالحنين
 يم عيون حلوين
 دايب مل محبة
 أشكي بس لمين
 بفزع مل كوايس
 حد يخذك مني
 عقلي ف ثانية يهيس
 حناني ملا قراطيس
 شوقي شكشك فيا
 زي الدبايس

قلبي نسيك

أنا قلبي نسيك خلاص
 وبيفتكرك طشاش
 من يوم ما قلبك داس
 عل حب وراح ماجاش
 واحدة بواحدة ياناس
 باع ومايلز مناش
 مش لايم عل عزال
 مايقولوا قلبك خان
 مش حاسم قيل وقال
 طبيعي أصلك بان
 تتشعبط فل حبال
 ماليك عندي مكان
 جرحي حتى مازال
 بيدور ع النسيان
 ده قلبك لما باع
 ياواخد عل خداع

بيفكر قلبي ضاع
قلبي الي كان بيساع
غلطاتك الفزاع
عملك نفسه شراع
دلوقتي الصاع بصاع
يلي اخترت الوداع

غيتوني من حبيبي

غيتوني من حبيبي
والي بيعمله
قولولوا ده حبيبي
برضه أستحملة
رضيت نصيي بإيدي
رغم الي جرا
لو تنسا يوم حقيقي
دفاترك تنقرا
كام مرة كان تعذيبي
وكام فرحتني
إيمتي كنت داربي
مرة وريحتني
ملقيتشي يوم حنانك
لما وعدتني
ولا السعادة
بجد تعبنتني

وعرفتي يا عيني

وعرفتي يا عيني تدوي
 وتقولي عليه مكتوي
 ياريتك مرة تتوي
 ياما يطلع من محبوي
 بتبوح لي يا عيوني
 وتخلي الناس يلوموني
 ودوني عينيه وجابوني
 جوني ف أحلامي شغلوني
 لكن اللايمين ماسبوني
 كلامهم زاد دبحوني
 اشمعني عليه بتلوفي
 وف سحر عينيه بتطوفي
 ياما لسة أه حاتشوفي
 أه منك وأه ياكسوفي
 غيرتي وبدلتي ظروفني
 بددتي قلقي وخوفي

حرمانی ساعات من نومي
وقلة راحتي في يومي
لو كان ده صحيح مقسومي
أرني ورا ضهري همومي
أهرب من حيرتي ولومي
وانتي على عومي تعومي

أديك أهوه شمتهم

أديك أهوه شمتهم
 باقينا لبانة ف بقهم
 لقمة طرية ف حلقهم
 وولي ناحيتنا ف سرهم
 مالي ومسود قلبهم
 والغيرة بتجري ف دمهم
 قالوا علينا ولسنوا
 تكفف نظرنا بيسقطوا
 مهما قدامنا يحسنوا
 ناقص شوية يزغرطوا
 ويبوسوا بعض ويحضنوا
 على زعلة بنا يزأططوا
 باين يا ناس اتجننوا
 نازلين كلام ويرطرطوا
 عند فيهم راجعين لبعض
 خلي حياتهم برق ورعد

لو شافونا عينهم فل أرض
زعلنا حبة أيوة بجد
إيديهم ساعتها تشبع عض
خلي سكوتنا هو الرد
خلي سامرهم يوم ينفض
يلا نكيدهم وصال وود

آه منك

آه منك لما بتخاصم
 وشك كله بيدي طلاس
 حاكم أنت قلبك ظالم
 ونا قلبي طيب ومسالم
 مش كل الناس تبقى معادن
 دا كتير منهم بيكون فلفصو
 يبييع ف العشرة وخاين
 مايفكرشي إلا ف نفسه
 وأنت غامض منتش باين
 وبايني الحلوين خلصو
 ما بين قلبي وقلبك قارن
 مين فينا مشاعره اتأسوا
 من حبك أبداً مش طایل
 غير أني عايش على همه
 وبتعمل فيا عمایل
 وقلبي يتعكر دمه

وحياتك عندي مش ناقص
قول لمشاعرك يتلموا
في غضبك بتكون حاسس
ولا عنيك دايمًا يتغموا

ولحقت تنسا

ولحقت تنسا
مين فينا لسة
عل حب يأسا
بأسود غلسة
ومين ده لسة
مقدرشي ينسا
وروحه حاسة
لو أنت فاكر
إنك ياشاطر
غادر وقادر
باقيت تكابر
قلبك ياسا تر
صمم وهاجر
حاولت أعافر
علشان ما خاطر
حبك ياغادر

وأنت الي خاسر
لوأنت حابب
تجرح ياخايب
أغلى الحبايب
تبعد وسايب
قلبي ده دايب
بجرح صايب
أما عجايب
لما تعاتب
اصحاح وحاسب
على ود غايب

رحت وقولت عدولي

رحت وقولت عدولي
 ولا الدموع شفّعولي
 لا حنين بعّتولي
 ولا مراسيل يوم جولي
 عوازلي لاموني
 وبنظرة جارحة بصولي
 مني نفسي ف وداك
 غيبتك طالت وبعادك
 أنا عل وعد ف غيابك
 أغلى أوفى أحبابك
 قول طمني إيه نابك
 إيه منعك وماجابك
 دن ناس لما شافوني
 أغراب لكن رحموني
 مسحوا دمعي وصوني
 أرحم روحي وعيوني

وأعيش مرة لشئوني
 رديت قولت نسوني
 عقلي شارد بيفكر
 إزاي في بعدك حقدر
 لسة قلبك على ماهو
 ولا عل بعد اتغير
 وب إيه وإيه أتاثر
 وكنتم همي وتصبر
 يلي من بختي وكومي
 قالل راحتي ونومي
 يامزود فيا همومي
 شوية عليك لومي
 حبيتك ومقسومي
 في هواك يطول يومي

أنا حرّة

أنا حرّة فل حدود
مش طايشة ليا مود
قالوا بنت جريئة
ناصحة أوي بطريقة
والضحكة عل حدود
أنا نفسي ف واد أروب
مش خاطب أو مخطوب
راسي كدة حبوب
مالوش في أي جروب
فل حب يكون لهلوب
بنظرة مني يدوب
مشاعره رقيقة
ياخذني صديقة
والضحكة عل حدود
يكون إتيكيت وذوق
مش عصبي أو قلوب

زعلان أوام يروق
 مليون حنان وشوق
 دائماً باصص لفوق
 مايبصش للفروق
 واضح فل حقيقة
 عنده نية بريئة
 والضحكة عل حدود
 يفهم فل أصول
 دمه خفيف عسول
 واعى وواد شملول
 باله وبايا يطول
 ييجى دوغري ومعدول
 شكله يكون مقبول
 محسش بضيقه
 أو كلمة مسيئة
 والضحكة عل حدود

دلوقتي جي وبتزورنا

دلوقتي جي وبتزورنا
 وبتسأل آخر أخبارنا
 هو احنا نسينا الي جراننا
 لما أنت جي تفكرنا
 ياري بس تصبرنا
 على جرح حبك ومرارنا
 معاك مشينا مشوارنا
 بنخاف ونداري أسرارنا
 لا يوم ياعيني اتصورنا
 إنك تفكر تهجرنا
 مف مرة حتى اتأثرنا
 بأي كلمة تعكرنا
 صاحبنا بيك كل أصحابنا
 كان قلبك بيتنا ومطرنا
 صوتك ياعيني يصبحنا
 نقعد ف مكانك ببراحنا

عأتبنا ياما وصارحنا
على أسوة قلبك سامحنا
ماكان منانا تدبجنا
تفضل معانا تفرحنا
ماخذنا إلا جراحنا
لا يوم وياك اتبطرنا
لكن قولنا ده قدرنا
وجاي دلوقتي وبتزورنا

مش طبيعي

مش طبيعي
إنك تباعي
وإنتي الي كنتي
ملك طوعي
ماشي بيعي
حي ودموعي
إوعي تنسي
حبك صنيعي
ابعدي لاوعي
كدبي سمعي
وبخنجرك
قطعي ضلوعي
مش طبيعي
تتغيري فجأة
عايزة أصدق
يألف لأه
حاسبي قلبي

على كل دقة
 غمضي عيني
 ببصة رقة
 متخلي روحي
 حسة بخنقة
 خلاص أسيبك
 مش حاعيبك
 يمكن طريقك
 تاني يجيبك
 ون طريقي
 مبقاش يليقك
 إوعي غلطة
 تقولي حبيبك
 أو تقولي
 عذبك حنينك
 دنا بسببك
 طفيت شموعي
 دنا في بعدك
 لميت قلوعي

وعد مني

وعد مني
الرد مني
راح يبقى آسي
خدها مني
فل بعد عني
ح تشوف مآسي
أنت ظالمني
مش هاممني
ناكروناسي
دلي يشيني
أكيد في ظني
خاين أساسي
إياك فاكرني
إنك تعيرني
لا ياشاطر
كنت تحايلني
عشان تعرفني

يعني فاكر
لما تبيعني
وتلاوعي
عبيط وخاسر
تاكل في صحي
وبتجرحني
حقيقي فاجر
الي يبحزني
ومآلني
بكلام جارح
مش شاغلني
إنك باعدني
خلاص يافالح
بس حازرني
إنك ذامني
عل مطارح
قلبك يخونني
ودابجني
والكذب فاضح

انتهيتي

انتهيتي من حياتي
 اتنسيقي من آهاتي
 يلي كنتي ف ذكرياتي
 ناسية حبي ناكرة ذاتي
 يلي كنتي وإنتي دائي
 عمري راح ماسبتني باقي
 كنتي واثقة من فراقي
 وإنتي جارحة كبريائي
 رحت والله ياشبابي
 ويا همي وعذابي
 ونا فاتح ليكي بابي
 غدرك أبداً ماكان ف حسابي
 حنسا ضحكك من غرامي
 كل صدك عن سلامي
 حنسا سهوك عن كلامي
 كل فرحك من آلامي

لسة فاكرة

هو إنتي لسة فاكرة
 مش إنتي كنتي ناكرة
 كل لل ربطني بيكي
 يوميهها قولتي قادرة
 تنسي بعد فترة
 مع حرصي ساعتها عليكي
 لكن خلاص ياغادرة
 كفاية كلام ومهابة
 دنا سبت الغدر ليكي
 مش عايز حتى نظرة
 أو دمة أحن وطرة
 إيه بس اتغير فيكي
 مش ناقص قلبي نخرة
 أو عيشة جارحة مرة
 خليكي بعيد خليكي
 راهنتي وكنتي خاسرة

حسيتي اليوم بحسرة
وعندي ده يكفيكي
حاولت ألف مرة
قلبك كان زي الصخرة
دلوقتي قلبي نسيكي
أنا عندي أعيش ع الذكرى
قلبي عمره مايكره
ياريت ندمك يكفيكي

تعالى بقى

تعالى بقى
وحشني اللقى
وقلبي اشتكى
ومتشوقة
حنيني شقى
عيني م البكى
ويا خدودي
دي متغرقة
دنا متضايقة
دنا متخلقة
من غيرك ببقى
أوي متقلقة
وتايهة وشاردة
ومبرقة
وانت سايبني
ليه متعلقة

عشقتك ونا
 كان كي مني
 عايشين وبنا
 الفرح والهنا
 وجرحنا الهوى
 ون كان الدوى
 الغاوي غوى
 وقلبه انكوى
 ودوبنا سوى
 والحب ارتوى
 لف مرة سلى
 أو فكر طوى
 إحساسه انكوى
 لكنه اتشوى
 عذاب وجوى
 لآخر مدى
 لعل وعسى
 يبقى اتنسى
 مافات من أسى

حيرة وهلوسة
وتعرف كدة
وبالشكل دة
أنا كنت ولسة
باقية ومخلصة
لسة بالذكرى
أنا متونسة
عايزة رجوعك
ومتحمسة
شايلة في قلبي
ومحوشة
ناسية الوحشة
ومتوغوشة

سرّ الفولة

أه يانا يانا
الحب جانا
وشوش ندانا
صحا ويانا
حنين جوانا
الشوق عما نا
جانبنا وودانا
قولي يا خالة
كلمة ف قوالة
تفسير الحالة
ولو محالة
عينيه عسولة
تطلع الأولى
ده سر الفولة
باقيت مياله
على غير العادة

حرك جواية
أشواق بزيادة
جات على هوايا
حسيت بسعادة
وكل مادة
وبدون إرادة
وياه بتمادة

لازم نعترف

دلوقتي لازم نعترف
 إن إحنا فشلنا للأسف
 قلبك عمره مف يوم عرف
 يديني السعادة واتنصف
 طبعك ليه عن طبعي اختلف
 جرحك غار ف قلبي ونزف
 حبستني في قفص ذهب
 كانت أسواره نار ولهب
 كأس عذاب سنين إتشرب
 اتحملته ونا مش طيقاه
 كان حلم جميل واتسجن
 وهم وسراب حققناه
 علقتني علل جدران
 زوقتني بكل ألوان
 من غير حنية وحنان
 ما حستشي معاك يوم أمان

أسوة كثيرة أوي وعذاب
ما كنتش معايا إنسان
حافك من إيدي القيود
وأحطم كل الحدود
وأمسح دمعي من عل حدود
وأمحي سنين ياريت متعود
حنسا الي خان الوعود
ومعاه دبلت كل الورود

بدأوا يلسنوا

حبنا مش محتاج شماعه

علشان نعدمه

مكنشي عندك شجاعه

إنك تعلنه

إيه فاضي قوللي تاني

قلبي يقدمه

الناس خلاص عرفوا وحسوا

بدأوا يلسنوا

ويا لمه تكون حوالينا

تنكر حبنا

لما أقولك ليه خبيننا

بتزوق كدبنا

حتى لما نكون وحدينا

ننسا بعضنا

حتى الحب تاه ف السكة

وسط الدنيا

كنت بشوف نظرة شفقة
 ف كل ثانية
 وفضلت تداري وتجي
 ونا متعذبة
 دي ظروفك أنا إيه ذنبي
 تائهة مستغربة
 مش بلومك بلوم نفسي
 باقيت متحطمة
 بهرب من كدي ويأسي
 وبقشة متشعبطة
 إزاي أرضى لروحي
 وأعيش متلخبطة
 عماله ألملم ف جروحي
 خيبة ومتورطة

برضة يصحّ

برضة يصح
تنسا سنين
الهوى والفرح
ولا يصح
تجرح قلبي
أكبر جرح
نابك إيه
لما بتخون
العيش والملح
حاولت بمجد
بس عنادك
زاد عل حد
سقيتك شهد
إديتني شك
خدت الورد
توعدي وعد

حيرتني
 بالطول والعرض
 ألين وتشد
 ويكون ردك
 هو الصد
 لا توفي بعهد
 باقيت أشكي
 لطوب الأرض
 وأدوق المر
 وأتنازل
 وأنت بتتغر
 وأرجع أجر
 رجلي وفشلي
 ذكرى تمر
 لا حاجة تسر
 ولا برسا
 يوم على بر
 وأنت موصر
 تكسر قلبي

ويا المهجر
طال الصبر
من حبك
مش لآقي مفر

إنزلي يادموع

إنزلي يادموع
بتریحیني
دنا یاما ضاع
عمري یاعینی
أنا عشت معاه
أحلی سینی
مانابني غیر
إنه یبکینی
إنزلي يادموع
غرقی عیونی
حبایی کثیر
یاعین ظلمونی
خانوا یاناس
راحوا وباعونی
جایین کمان
قال یلومونی

إنزلي يادموع
إكويلي خدودي
ياراحة البال
ياريت بتعودي
لأحس ف يوم
مرة وجودي
لا صان عشرتي
أو حتى عهدوي
إنزلي يادموع
بلي ف مناديلي
إملي مكان
قهوتي فناجيلي
فين راح الفرح
ردي قوليلي
باينه الجرح
قاعد وناويلي

عل حب وسنينه

عل حب وسنينه
 ع لي عاشقينه
 إحنا الي عاجينيه
 يا ناس وخابزينه
 نتعب وعائزينه
 ياريتنا عاجبينه
 لو قولنا حبينه
 أو قولنا كارهينه
 احنا كدة نجيلك
 ونعيش مواويلك
 وندوب ونحكيلك
 وتعمل أفاعيلك
 ياقلوبنا بتدوي
 وتقولي محبوي
 فل أصل مكتوبي
 ولا حتى بتوبي

وندوق فی تعذیبه
 ناره و لهالیبه
 و نرضی بعیوبه
 و کدبه و الأعیبه
 شایله ف عنیا
 ورموشی مغطیه
 یأکل یایدیا
 یشرب فی حنیة
 مارقشی یوم بالی
 قلبه ماصفالی
 بیجری مایجرالی
 وبرضه یحلالی
 أنا یاما قریته
 ونصحته وعیته
 وحرمنی وادیته
 وهمی خبیته

عمري مايزعل

عمري مايزعل أبداً
 ولا باخذ على خاطري
 إنتي يا حبيبتي دائماً
 بتواعدي وتعتذري
 ما بقيتشي تفرق طبعاً
 لا بأمرك ولا أُمري
 كنتي وأصحتي فعلا
 على بالي بتمري
 على فين حتروحي مني
 ونا قلبي بيتشحتف
 ولفين راح تبعدني عني
 وأبقى بحبك متكتف
 صابر معلش لأنني
 مسير بعدك يتأسف
 معقول قلبك يبيعني
 وأغرق معرفش أأدف

تبعدي وتغيبي حبه
وتباني لما تحبي
ساعات بتوه السكة
خبي لو عايزه تحبي
وخاف عليكي الشكة
لو وقفة حتى جنبي
وأشوف ف عنيكي ربكة
أعلن أو أكتم حيي

انسيني

انسيني
لو بتحييني
الذكرى عندي
تكفيني
يلي ف لحظة
جرحتيني
ف مشاعري
وموتي حنيني
أوعي ف غضبي
تأسيني
أنسى بقولها
على عيني
مدام مش عارفة
تصونيني
تعباني دايماً
اشكيلك

أفعالك كلها
بتسيئك
حقيقي ما زلت
حبيبك
افهمي ما تليقني
وما تليقك
ولا عشان
قولت أسيبك
بتهدي معايا
زعايبك
معلش روجي
لسييلك

عجايب

عجايب عجائب
عليكو حبايب
بتروحو تنسونا
ولا تفتكرونا
أول متقابلونا
أوام تلومونا
عل ود الي غايب
عجايب عجائب
نداري ونتحايل
ويا ما بنحاول
عل بجحت الي مايل
والدمع الي سايل
عتابكو مش خايل
والقرب مش طايل
قلبي الي دايب
عجايب عجائب

عل غيبة مش لايم
ف بحوركو أنا عايم
لا مرة بنتصارح
أو حق بنتخاصم
حيي يا ولدأهو
لسة على ماهو
شوقه ودواهو
ف السكة يوم تاهو
ولا لاقى نايب
عجايب عجائب

دق يا قلبي

شفته خلاص

سرعت الدق

دق يا قلبي

قوله الحق

حبك ليا

عمل الفرق

جه خطفني

بسرعة برق

وويا الشوق

أنا أنا أنا

إحساس طاغي

يمرق مرق

خلا عزولب

يغلي يطق

قلبي ف حبك

ماقالش لأ

حبك إنت
دون الخلق
شفته لقيته
توب عل أد
فيه حنية
ماهش على حد
طييته حنانه
على طول ييود
يفهم ردي
قبل ماارد
يخاف عليا
من حبة برد
أيامه معايا
صحبة ورد
دوغري وجد
عطفه وحبه
نسافي المر
كل أيامه
بجد تسر

لسة

بتجيب في سيرتي لسة
 فاكرني لحقت أنسا
 رجلك قادرة تخطي
 وبجري لسة حاسة
 اخجل ياسيدي حبة
 حتراجع نفسك إيمتي
 ماإنت بعث المحبة
 مش شايفة كسوفك حتى
 ماسك لي ف إيدك وردة
 دي قصة ف حياتي عارضة
 مرت أوقات في شدة
 يادوب فوقت النهاردة
 صراحة لازم أقول لك
 إزاي تاني أكون لك
 كرهتك ضعفتك كلك
 من أي وعود باحلك

متماسكة برغم ألمي
مسبب ليا ندمي
جرحك لساه بيدي
حبك ده هو جرمي

علمني

علمني ونا أتعلم إزاي بعنيا
 أسلم
 ويروح خجلي واتكلم وأقولك ع لي معلم
 يا حبيبي جوة ف قلبي
 علمني أقدر أثبت ليه روجي دارت خبت
 والدقة ف قلبي دقت وعقلي كله اتشتت
 مش قادرة عيني تخبي
 علمني إزاي أعبر بوردة جوري وعنبر
 أدي حنان وكتر شوقك خليه معطر
 ودوس على وتره جبي
 علمني لما أقابلك أتجراً أقول باحبك
 أأضي لحظة جنبك خليني حبة ف حضنك
 أحكيك أنا عن غلبي
 علمني أسهر ليلي ويروح النوم من عيني
 آنسني يلا احكي لي وجوة عنيك خبيني
 خليك تملي في قربي

قلبت ميزان حياتي

قلبت ميزان حياتي
 طبطني فل غرام
 خلاص طلعت آهاتي
 حرام عليك حرام
 طول عمري في حالي
 روجي عايشة ف وئام
 عرفتك إيه جرافي
 كفّه طبت تمام
 شوقي بان وحناني
 والناس عرفت أوام
 حببت قبل أواني
 ألوم عليك واتلام
 وتجنب ف منامي
 أصحا وأنسا الأحلام
 أمشي ألقاك قدامي
 والشوق عمره ماينام

أنسا معاك الأسمي
ويتوه كل الكلام
تتسرب من مسامي
نظرات عينيك سهام
تفتن لك عن غرامي
والنار تصبح ركام
وأقول جالك كلامي
ف البحر باقيت عوام

عودي لنفسك

عودي لنفسك أبلا
قبل ماترجعي
دي آخر محاولة
وحامشي لسبيلي
لومات قلبي أولا
أنك تترحميلي
سايقة ف عندك ولا
عايزة توصليلي
رصاصه الحب أتلا
شيلي ذنبه شيلي
بايعة وإنتي مايلة
ونا الله وكيلى
سبتي الوردة دبله
كان لازم تحاييلي
لو بعدك لعله
مش ح تلقى مثيلي

ناسية وإنني غزلة
توي تطولي
جرحي كنتي طائلة
تزيدي وتكوي

كنت فاكراً

كل دة ونا كنت فاكراً
 إنك بتحبني
 أثاريني فضلت واهم
 في خيال عيشتني
 بس إنت طلعت قادر
 آخرتها خدعتني
 دلوقتي عليك مش لايم
 ماعدت تهمني
 ون كان القلب ثاير
 وهزمته وهزمتني
 في لحظة كان فيها هايم
 حبك وظلمتني
 ورجعت مكسور حاير
 وبأسوة حطمتني
 لكن دلوقتي لازم
 يل إنت تعبتني

أرد جرح غادر
زي ما علمتني
هو إيه ف الدنيا دايم
يلي طعننتني

تملي تقولوا

تملي تقولوا عنه بأنه وأنه وأنه
 أتغاضوا يلا وكنو أنا ماليه إيدي منه
 كلامكو مش هامني ما حرك شعرة مني
 لف يوم استغنى عني لا باعني أو لا وعني
 عاملين دوشة وغلبة كفاية اتكسفوا حبة
 دنا وكلة معاه وشاربة الكحكة ف إيدنا عجة
 حركاتكو كتير وتعلوا كلام مش حأمنله
 سيبونا وعننا حللوا دة هو حي كله
 وهو الإخلاص كله ما قدر يوم على زعله
 لو وسط البحر أنزله أمشي بلاد وأسافرله
 يطلع ف الحب الأول عمره مف يوم اتحول
 ف نهاره حنان مطول وف ليله الشوق مكمل
 لو غاب حبه يكلمني ويقول الي يطمني
 يصالحني أو خاصمني من حاجة مش حارمني

طب لیه علیه تتجنوا حاسیبکو أنا بترنوا
أنا سري هو سره جروا ف خیبتکو جروا
أنا راسیه أوي علی بره لا یوم زعلنی عمره
عاجنی بجلوه ومره بس یاریت ماتقروا

مرسال الحب

مرسال حبي ياشوق
 بتخلي قلبي يروق
 بتطير وتهفف فوق
 وتقولي صحصح فوق
 لو مرة حبيبي غاب
 أو مني حنيني داب
 بتجيني بدون عتاب
 وتوصي عل أحباب
 بتداوي مل عذاب
 وتوارب حبة الباب
 وتقوم بحنين غلاب
 ترميلي بسرعة الطوق
 خاصمني حبيبي يوم
 ألقاك تحرمي النوم
 تدي حنان بالكوم
 وتقول ياعيب الشوم

قوم بينا نصالحه قوم
ماعاد للبعد لزوم
أنا شايفك أوي مهموم
وحاسس بيبك مخنوق

أكلُ وحلة

أكل وحلة وراح ووللا
 ماطل طلة وجابلي علة
 حلفت والله لو شفت وشه
 وراه راح أكسر الزير والقلة
 فتحت قلبي وربع جنبي
 فضل يعي يغرف في حي
 طلع مخي بعدين غدري
 خني وتعبنا خفيف ولعي
 في وسط الشلة حاشوف مقابلة
 خلى الأخلة تمسك له ذلة
 علشان يحرم من دي عملة
 رسم وحلق بكلام مزوق
 وقلبي صدق ولقيتني بغرق
 حرق ومرق وقاللي روق

وراح مسبق حلوى ماحوق
ده دق دقة خاين وإلا
فكرته هوة لكن حايللة
طلع ياعيني بألف ملة

ابعد من سكات

يلا ابعء من سكات
 متقلبش فل لي فات
 ابعء سييني للآهات
 حبك خد مني راقات
 وعمرى راح وب بلاش
 فرحى كله تاه ماجاش
 ودموعى على مخدات
 مش عايزة أحكى وأقول
 لو بتعرف فل أصول
 كنت بتتمنا تنول
 رضا قلبى والقبول
 وأما أديتك الأمان
 قلبك خدعنى وخان
 ماتت فيه الإحساسات
 مش طايقة أشوفك خلاص
 وكرهتك من الأساس

روح واشرب من نفس الكأس
جرب دوق نفس الإحساس
مش حاسم منك كلام
حارج مل أزمة أوام
راح أكون أكثر ثبات
يلا ابعُد من سكات

حبي أنا

حبي أنا تقدرني تنسيه
 أيامه وب لياليه
 تنسي يوم ماعرفتيه
 تنسي لما هجرتيه
 انسيه ساعة يوم انسيه
 بس ف لحظة افتكره
 عارفة ليه واثق أكيد
 علشان حبي كان فريد
 كان عنيد وكان شديد
 لو تقدرني يلا أنسيه
 مهما قولتي أو داريتيه
 وقدرتي حتى تخبيه
 لو حبيتي يلا انسيه
 قلبك اوعي تصدقيه
 لو قال حبي راح تنسيه
 حبي قلبك لسة شاربه
 كلبش فيه كدة لوحديه

سألتني

سألتني
أصيتي شعرك الجميل
وسبغتي
رمشك وشفافك ألوان
غيرتي
ملاح براءتك بدليل
وحاولتي
تخدعي عينيا كمان
بتبان
ف عينيك أوهام وخيال ظنان
وحاجات
ياما غيرة جواك بتبان
وجالنا
اللقى بعد بعاد وخصام
وعيوننا
اتقابلت مليانة كلام

بالعتاب
وحنين مين يبدأ بالسلام
مين مننا
شايل للتاني الملام
وظنيت
ساعتها أنا بنكر حبنا
خيالات
سرحت في حاجات عننا
وب رعشة إيد
صوت عالي باتهامات
تبعتر
تكسر تتوعد بالآهات
مافهمتش
لما عينيك في عيني جات
كبرت
أحلام طموحي مع الأيام
تتحقق
ونكون مع بعض احنا الاتنين
ذكريات

طفولة مرسومة عل جبين
زرعتها
محفورة جوة نن عينيك
أصيت شعري
علشان لما أبصّ إليك
عيزاك
حاسس بجني وحي فيك
غرقت
الشفافيف والرموش ليك
يوم ماشفتك
بتبالغ ونا بين إيديك
حبيبي
داري ذهول باين ف عينيك
مهما تغضب
أنا لسة باقية عليك

وياويلنا

وياويلنا آه ياويل
 مل جرح وسهر الليل
 حظنا ف الدنيا قليل
 وشبعنا من المواويل
 تعبنا ياليل ياعين
 وحشانا أيام زمان
 صحبة حلوة والمكان
 طيبة الناس الجدعان
 محرومين من الأمان
 آه ياغدر السنين
 حيارى ف زمن غريب
 كل شيء بقى عجيب
 حتى الي جنبك قريب
 مين عدو ومين حبيب
 بقوا الناس متلونين
 وسط لمة الأحباب

مين صادق ومين كذاب
فاتحين لح بابنا الباب
وطبع البشر غلاب
واحنا عل هموم صابرين

أتاريه

أأتاريه مختفي عنا
 شاي ف له شوفه ثانية
 ياناري عليه لو جالنا
 أديله وش ف ثانية
 دل خاين يعرف خاينة
 خسارة فيك حناننا
 مبروك عليك تتهننا
 وسيننا يلا ف حالنا
 قدامي بيعمل طيب
 مفيش حاجة تتعيب
 طول عمره كان قريب
 دلوقتي حاله اتشقلب
 لو أعرف أنا مل أول
 إزاي دلوقت أتحمل
 شفته ألقاه يتجمل
 في ضهري روح يتحول

ف عنيه باين متأنب
أواجهه يعمل مستغرب
يوعد وب يتهرب
خلاص ماعدنا بنعجب
يا قلبي إنت بتتألم
والجرح فيك معلم
داري ولا تتكلم
أدينا أهو بنتعلم
